

職方典第四十卷

順天府部雜錄一

周禮幽州其利魚鹽其畜宜四擾其穀宜三種鄭康成注四擾馬牛羊豕三種黍稷稻

考工記燕之角材之美者也 燕無函燕之無函也非無函也夫人而能爲函也

爾雅北方之美者有幽都之筋角焉

山海經幽都之山上有元鳥元蛇元豹元虎元狐蓬尾

山海經廣注鴻烈解云西北方不周之山曰幽都之門又曰北接幽都南道交趾楊雄甘泉賦云西

耀流沙北曠幽都卽朔方之幽都也

管子燕之水萃下而弱沉滯而雜故其民愚戇而好貞輕疾而易死 吳子燕性戇其民慎好勇

義寡詐謀故陳守而不走韓子燕以河爲境以薊爲國襲涿方城殘齊平中山荀子齊之田單楚之

莊蹻秦之衛鞅燕之繆蠆是皆世俗之所謂善用兵者

史記燕地踔遠人民希與趙代俗相類 燕有魚鹽棗栗之饒

禮書燕人少思慮多輕薄地使之然也輕死急人俗使之然也

漢書燕俗愚悍少慮輕薄無威亦有所長敢於急人燕丹遺風也

漢書儒林傳自魯商瞿子木受易孔子以授魯橋庇子庸子庸授江東馯臂子弓子弓授燕周醜子家

漢書藝文志易韓氏二篇詩韓故三十六卷內傳四卷外傳六卷說四十一卷

論語有燕傳說三卷陰陽家者流鄒子四十九篇鄒子終始五十六篇公孫渾邪十五篇法家者流燕十事十篇縱橫家者流龐煖二篇兵權謀有龐煖三篇方言燕記曰豐人杼首燕之北鄙凡大人謂之豐人杼首長首也 燕之北郊凡民男而聿婢謂之臧女而婦奴謂之獲貌北燕朝鮮之間

謂之絳鷄頭北燕謂之蔭北燕朝鮮洌水之間謂伏鷄曰抱爵子及鷄雛皆謂之穀其卵伏而未孚始化謂之涅尸鳩謂之鷓鴣戴勝謂之鷓鴣蝠北燕謂之蛾蠹蜚易北燕謂之祝蜺蚰蜘北燕謂之蚺蛄馬蛇北燕謂之蛆蠅蚍蜉北燕謂之蛾蟬螽燕趙之間謂之蠨蛸其小者謂之蠨蛸蠨蛸北燕朝鮮洌水之間謂之螭蜮

後漢書漁陽泉州有鐵

文士傅禰衡擊鼓作漁陽參槌蹋地來前躡鼓足脚容態不常鼓聲甚悲易衣畢復擊鼓參槌而去
今有漁陽參槌自衡始也

李巡爾雅注燕其氣深要厥性慄疾故曰幽幽要也釋名燕宛也北方沙漠平廣此地在涿鹿山南
宛宛然以爲國都也

國名紀幽都一曰北幽

水經巨馬水注東徑督亢澤澤苞方城縣縣故屬廣陽後隸涿郡國志曰縣有督亢亭孫暢之述畫
有督亢地圖言燕太子丹使荆軻齎入秦秦王殺軻圖亦絕滅地理書上古聖賢冢地記曰督亢地
在涿郡今固安縣南有督亢陌幽州南界也風俗通曰沆漭也言乎淫淫漭漭無崖際也沆澤之無
水斥鹵之謂也

隋書自古言勇俠者皆出幽并然涿郡前代以來多文雅之士

樂府古題要解樂府出自薊北門行其辭與從軍行同而兼言燕薊風物及突騎悍勇之狀與吳趨

行同也

詩草木鳥獸蟲魚疏五方皆有栗惟漁陽范陽栗甜美長他方者悉不及也

穀幽州人謂之

穀桑藟似燕薹延蔓生葉如艾白色其子赤可食酢而不美幽州謂之推藟卷耳幽州人呼爵耳茅

苳幽州人謂之牛舌草葑幽州人或謂之芥菲似葑莖纍纍厚而長有毛可作羹幽州人謂之茆菰

幽州人謂之燕薹其根正白可著熱灰中溫噉之芄蘭幽州人謂之雀瓢蔓生葉青綠色而厚斷之

有白汁鬻爲茹滑美其子長數寸似瓠子欬似栝樓葉盛而細其子正黑如燕薹不可食也幽州人

謂之烏服遂似蘆服而莖赤可瀹爲茹滑而美幽州人謂之遂菰幽州人謂之翹饒蔓生莖如勞豆

而細葉似蒺藜而青其莖葉綠色可生食

雉鳩深目目上骨露出幽州人謂之鷺雛一名鷺鳩

幽州人謂之鷺鷥黃鳥幽州人謂之黃鷺鷥幽州人謂之鷺鷥

螽斯幽州人謂之春箕莎雞

如蝗而斑色毛翅數重其翅正赤六月中飛而振羽索索有聲幽州人謂之蒲錯蟋蟀似蝗而小正

黑有光澤如漆幽州人謂之趣織督促之言也里中語曰趣織鳴懶婦驚是也

蠨蛸亦名長脚

此蟲來著人衣當有親客至幽州人謂之親客蠨蛸幽州謂之蠨蛸燕謂之蜚蛸或名之蜚蛸

魴

魚廣而薄肥恬而少力魚之美者漁陽泉州尤美鯪似魴厚而頭大幽州人謂之鵝鰾或謂之胡鰾
酉陽雜俎左行草使人無情范陽長貢之 鷹有房山白者紫背細斑三斤以上四斤以下便兔

生房山白楊楸樹上向范陽中山飛漁陽白腹背俱白大者五斤便兔生徐無及東西曲一名大曲
小曲白葉樹上生向章武合口博海飛黑皂鵬大者五斤生漁陽山松杉樹上多死時有快者章武
飛白阜鵬大者五斤生漁陽白道河陽漠北所在皆有生枯柏樹上便鳥向雲丘中山范陽章武飛
青斑大者四斤生代北白楊樹上細斑者快向靈丘山范陽飛

樊川集幽并之地程其水土與河南等常重十二故其人沉鷺多材力重許可能辛苦

元和郡縣志開皇長城起嵐州合河縣經幽州皆因古蹟修築

昌黎集燕趙古稱多感慨悲歌之士

唐書唐太宗平突厥諸蕃稍稍內屬卽其部落列置州縣其大者爲都督府以其首領爲都督刺史
皆得世襲雖貢賦版籍不上戶部然聲教所暨皆邊州都督都護所領著于令式其後或臣或叛經
制不詳突厥之別部及奚契丹靺鞨降高麗隸河北者爲府十四州四十六統爲羈縻云

唐書列傳蘇鞞臣附所獻有常以其地爲燕州

太平寰宇記燕州東至檀州八十里西至幽州九十里南至昌平縣五十里北至大山五里西南至芹河五里東南至廢易京城四十里西北至乾河山五里東北至宋城鎮二十五里

燕州領縣

一遼西州寄理幽州縣亦遷于今所

唐書建中二年州爲朱滔所滅因廢爲幽都縣

思順州唐貞觀六年置寄治營州南五柳城天

寶元年改爲順義郡乾元元年復爲順州領縣一賓義郡所治在幽州城內

日下舊聞按新舊唐書地理俱作順州而寰宇

記作思順州疑衍

太平寰宇記元州隋開皇初置萬歲通天二年移於徐宋州安置神龍元年復舊今隸幽州領縣一

靜蕃昌州始隸營州都督萬歲通天二年遷於青州安置神龍初還隸幽州領縣一龍山

唐六典幽州范陽貢綾檀州人遼薊州鹿角膠

唐書范陽郡土貢綾絹角弓人遼栗密雲郡土貢人遼麝香漁陽郡土貢白膠

幽州土產絛絹

人遼瓜子貢范陽綾霸州土產絛絹涿州土產綾薊州土產鹿角膠人遼遼志白朮檀州土貢安

東人渡又銀錫二穴密雲郡都管又有水精是寶出昌平縣

大事講義金人之來歸六州也索米二十萬石童貫蔡攸入燕赦兩河燕臺路初朝廷信趙良嗣等虛辭謂金人歸我雲中故曲赦并及山後地然時實不得山後地也

東坡居士集幽燕之地自古號多豪傑名于圖史者往往而是 勁勇而沉靜燕之俗也

寶字分合志盧龍二十八易帥歷一百四十八年

五代史契丹當莊宗明宗時攻陷營平二州及已立晉又得鴈門以北幽州節度管內合一十六州乃以幽州爲燕京更其國曰大遼

遼史晉高祖以遼有援力之勞割幽州等十六州以獻太宗升爲南京又曰燕京城

陵川集燕自兩河之戰遂非唐有洊罹遼金幾四百年然而不漸宣政佻靡之化豪勁任俠渾厚敦雅猶有唐之遺風焉

契丹志南京水甘土厚人多技藝秀者學讀書次則習騎射耐勞苦

夢溪筆談契丹薊茭如車蓋中國無此大者其地名薊恐其因此

金節要燕山之地易州西北乃金坡關昌平之西乃居庸關順州之北乃古北口景州東北乃松亭關平州之東乃渝關凡此數關一夫禦之可以當百朝廷之割地若得諸關則燕山之境可保矣然關內之地平灤營三州自後唐爲契丹所陷後改平州爲遼興府以營灤二州隸之號爲平州路至石晉之初耶律德光又得燕山檀順景薊涿易諸都建燕山爲燕京以轄六郡號爲燕京路而與平州自成兩路朝廷始議割地但云燕雲兩路而已初謂燕山之路盡得關內之地殊不知關內之平州與燕山異路也由是破遼之後金人復得平州路金旣據平州則關內之地番漢雜處欲無侵漁之患得乎故幹離不自平州入寇此則當時議割燕雲不明地理之誤也

癸辛雜識汴梁宋時宮殿凡樓觀棟宇牕戶往往題燕用二字意必當時人匠姓名耳及金海陵修治燕都擇汴宮牕戶刻鏤工巧以往始知興廢皆定數

宋史河渠志自邊吳淀至泥姑海口繇互七州軍屈曲九百里深不可以舟行淺不可以徒涉雖有勁兵不能度也

許奉使行程錄幽州之地沃野千里北限太山重巒中有五關居庸可以通大車通轉餉松亭金坡

古北口止通人馬不可行車外有十八路盡鬼徑鳥道止能通人不可行馬

金國行程渝關居庸可通饋饌松亭金坡古北口止通人馬不可行車山之南五穀百果良材美木無所不有出關未數里則地皆瘠鹵矣

金史大興縣產金銀銅鐵藥產滑石半夏蒼朮代赭石白龍骨薄荷五味子白牽牛

元史食貨志山林川澤之產元興因土人呈獻而定其歲入之課產金之所在腹裏曰檀洲銀之所在腹裏曰大都銀在大都者至元十一年聽王庭璧等于檀州奉先等洞採之十五年令關世顯等于薊州豐山採之珠在大都者元貞元年聽民于楊村直沽口撈採命官買之

許奉使行程錄燕山府城周圍二十七里樓臺高四十尺樓計九百一十座池塹三重城開八門草木子劉太保還元京北城取居庸關水入城冀稍潤其土然不及百年禍變亦作豈地數有限而致然耶

燕石集四方進士來試南宮者率皆僦居麗正門外函山旅話班孟堅古今人表于燕昭王諸臣樂毅居三等郭隗四等鄒衍五等于太子丹賓客高漸離居四等荆軻武樊於期皆五等秦舞陽六

等其位置必有定見但燕王喜以亡國抑之九等而王噲子之法堯禪舜可謂下愚反列之七等何哉

辛齋詩話杜子美昔遊詩幽燕夙用武供給亦勞哉吳門持粟帛汎海凌蓬萊後出塞云漁陽豪俠地擊鼓吹笙竽雲帆轉遼海粳稻來東吳按唐會要開元二十七年李適爲幽州節度河北海運使唐書姜師度穿平鹵渠以避海難蓋元之海運自崇明抵直沽唐時海運則自登州轉而平州以達於薊故子美云然

析津日記京師像設之奇古者曰劉鑾塑說者疑鑾與元音相近而誤考郝伯常陵川集燕有四賢祠其像塑自劉鑾則鑾別是一人著名于正奉之先者也正奉塑像虞文靖特爲作記元史方技傳云有劉元者嘗從阿尼哥學西天梵相亦稱絕藝下云元字秉元薊之寶坻人而劉同人紀帝京景物遂目爲藝元足資噴飯 涿水有魚重唇甘池有魚一目

寶坻縣志寶坻銀魚霜降後自海中蛤山出逆流北上薊州溫泉下育子其色瑩白如銀

燕山叢錄寶坻銀魚都下所珍北人稱爲麵條魚形似東吳鱸殘而倍大出海中蛤山下秋深霜降

上溫泉產子映日望之波浪皆成銀色人每候其至網之豐潤海出螺大者如斗其殼可以代甌小者如拳殼可製杯土人謂小者爲贏

燕山叢錄房山縣有石窩稻色白粒糯味極香美以爲飯雖盛暑經數宿不餿

潞水客譚西山大石窩所收米最稱嘉美

北轅錄燕山酒頗佳館宴所餉極醇厚名金澗蓋用金澗水以釀之者

五雜組京師有薏酒用薏苡實釀之淡而有風致然不足快酒人之吸也易州酒勝之而淡愈甚不知荆高輩所從遊果此物耶

鳳洲筆記薊州薏苡仁酒周氏第一成氏次之三屯營所造更勝清冽秀美有出色香味之表者

菊隱紀聞京市都城舊日如勾欄衢何閨門家布前門橋陳內官家首飾雙塔寺李家冠帽東江米巷黨家鞋大柵欄宋家靴雙塔寺趙家薏酒順城門大街劉家冷淘麪本司院劉鶴家香帝王廟街刁家丸藥皆著名一時起家鉅萬至抄手衢衙辛家專煮豬頭內而宮禁外而勳戚皆知其名薊鎮將帥置走馬傳致亦見當時太平勝槩

舊京遺事刑部街田家溫麵得名最久廟市之日合食者不下千人

日下舊聞按詩蔽芾甘棠毛公傳甘棠杜也鄭康成注北人謂之杜梨南人謂之棠梨爾雅杜赤棠郭璞曰今之杜梨樊光曰赤者爲杜白者爲棠陸璣曰赤棠與白杜同但子有赤白美惡子白爲白棠甘棠也少酢滑美赤棠子澀而酢無味通志甘棠謂之棠梨又有沙棠廣志云棠味如李無核竊疑今蘋婆果卽詩甘棠而沙果卽沙棠檳子乃赤棠也其曰棠梨者花似棠實似梨合而稱之爾西山旅語漢雲臺功臣二十八人寇恂子翼上谷昌平人蓋延巨卿漁陽要陽人王梁君嚴漁陽安陽人幽州居其三魏高允作徵士頌合三十四人中書侍郎固安侯范陽盧元子真河內太守下樂侯廣甯燕崇元略上黨太守高邑侯廣甯常陟公山輔國大將軍從事中郎范陽祖邁征東大將軍從事中郎范陽祖侃士倫中書郎燕郡劉遐彥鑒中書郎上谷張誕叔術大司馬從事中郎上谷侯辯幽州居其八至于宋初五賢二宋二扈而外文則趙普呂餘慶呂端邊歸譙趙上交劉載劇可久武則趙贊劉廷讓高彥暉李懷忠田重進劉重進李瓊張暉馬全義劉審瓊張藏英董遵誨燕之人亦可謂盛矣

榆欒別錄幽州大悲閣觀音像遼遷之於木葉山臨安天竺觀音像金遷之於玉河寺佛亦疲於津梁矣紫桃軒雜綴天下有九福京都屏帷福也

菽園雜記京師婦女嫁外方人爲妻妾者初看時以美者出拜及臨娶以醜者易之名曰戳包兒過門信宿盜其所有逃去者名曰拏殃兒

僧園逸記都下寺院每用歲除鍛磨是日作鍛磨齋錢氏私誌燕北風俗不問士庶皆自稱小人宣和間有遼國右金吾衛上將軍韓正歸朝授檢校少保節度使對中人以上語卽稱小人中人以下卽稱我家每日到漏舍誦天童經且云對天童豈可稱我於是凡稱我者皆改爲小人云皇天生小入皇地載小人日月照小人北斗輔小人然小人有母皆嘗小人之食小人之稱其來古矣施之於經是可笑也

朔紀燕人諱言四十五歲人或問之不曰去年四十四歲則曰明年四十六歲不知何所爲也倚晴閣雜抄江鄰幾雜志雄霸沿邊塘泊冬月載蒲葦悉用淩牀沈存中筆談信安滄景之間挽車者衣套袴冬月作小坐牀水上拽之謂之淩牀今京師在處有之一人挽行滑如帆駛聞明時積水

圖言集
潭嘗有好事者聯十餘牀攜都盤酒具鋪氍毹其上譟飲冰凌中亦足樂也

歸田類藁京師編民男女之末年者因事而出多爲姦民所攘女脅爲婢子壓爲奴否則載至遐徼殊域若遼海若朔漠易羊馬牛駝以規利幸而敗者常少不幸而轉市互鬻使其父子昆弟妻女死生不相聞者比比有焉

帝京景物略大明門左右日日市曰朝前市東華門外歲燈節十日市曰燈市東華門內月三日市曰內市今移張燈市矣猶稱內市也正陽橋日昃市曰窮漢市城隍廟月朔望二十五日市曰廟市寄園寄所寄錄都城市肆初開必盛張鼓樂戶結綵繒賀者持果核堆盤圍以屏風祀神正陽門東西街招牌有高三丈餘者泥金飾粉或以斑竹鑲之又或鏤刻金牛白羊黑驢諸形象以爲標識酒肆則橫扁連楹其餘或懸木罍或懸錫盞綴以流蘇挾有限之貲牛事無名之費甚無謂也

帝京景物略燕俗謂陰雨爲酒色天

蕤斂詞話京師冬月旣以紙糊牕格間用瑠璃片畫作花草人物嵌之由室中視外無微不矚從外而觀則無所見此歐陽楚公十二月漁家傲詞所云花戶油牕也蓋元時習俗已尙之

說臆村夫子誨人子弟必其父兄造請而後教之無榜門招致人之理獨京師學究大書其門曰秋爽擇日來學則何異百工之肆大非童蒙求我之義矣

稗史彙編薊州產褐黃石硯理麤發墨不滲類礪石土人刻成硯以草一束燒過爲漫灰煨之色遂變紫用之不燥

考槃餘事安息香都中有數種統名安息其最佳者劉鶴所製月麟聚仙沉速三品百花香卽下矣龍掛香有黃黑二種黑者價高惟內府者佳劉鶴所製亦可芙蓉香煖閣香亦劉鶴所製龍樓香萬春香內府者佳甜香惟宣德年製清遠味幽鑾黑如漆白底上有燒造年月每鑾一斤有錫蓋者方眞黑香餅亦以劉鶴製者爲上前門外李家印各色花巧者亦妙東院王鎮所製黃香餅黑沈色無花紋者亦佳線香則數前門外李家每束價直一分又有以檀香入菩提子中孔著眼引繩謂之灌香數珠京師有人能爲之亦絕技也

寶顏堂筆記萬曆間恭順侯家香最良

排悶錄京師無筍以蘆牙爲筍按杜詩渚秀蘆筍短又云泥筍苞初荻又云春飯兼苞蘆注苞蘆蘆

筍也則唐時已尚之

輿堂記大房山有草葉初生類椿芽微有白毛上方山僧摘以爲蔬食之甚腴目爲刺頭菜

茶經人澆有生幽州檀州者爲藥無效

大街花事豐臺種花人都中目爲花兒匠每月初三十三二十三日以車載雜花至槐樹斜街市之桃有白者梨有紅者杏有千葉者索價恆浮十倍日昃則雖不得善價亦售矣桃花白者見於詩人吟詠絕少紅梨則歐陽永叔有詩所云紅梨千葉愛者誰白髮郎君心好奇是也楊廷秀杏花詩千中更有紅千葉且道化工奇不奇斯亦上苑之異種矣聞百花陀所產更異雙屋一澗下上皆花村民多有不知其名者惜無荷擔者載之入市也

大街花事荷包牡丹草本一名朝鮮牡丹花似僧鞞菊而深紫色其以牡丹名者因其葉相類也京師槐樹斜街慈仁寺藥王廟花市恆有之

說臆虞書擊石拊石百獸率舞至唐開元中教習舞馬曲盡其態杜甫詩舞馬解登牀陸龜蒙詩月窟龍孫四百蹄驕驪輕步應金鞞皆紀其實也鄭嵎津陽門詩云幽州曉進供奉馬玉珂寶勒黃金